

ქალაქ ბათუმის მუნიციპალიტეტის საკრებულო

გ ა ნ კ ა რ უ ლ ე ბ ა №

ქ. ბათუმი

„-----“ ----- 2026 წელი

**ქალაქ ბათუმის მუნიციპალიტეტის საკუთრებაში რეგისტრირებული უძრავი ქონების სახელმწიფოსათვის უსასყიდლოდ საკუთრებაში გადაცემის შესახებ**

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ბ“ ქვეპუნქტის, 108-ე მუხლის პირველი პუნქტის და სსიპ სახელმწიფო ქონების ეროვნული სააგენტოს 2025 წლის 24 ნოემბრის №5/62622 წერილის საფუძველზე ქ. ბათუმის მუნიციპალიტეტის საკრებულომ გადაწყვიტა:

1. სახელმწიფოს უსასყიდლოდ, საკუთრებაში გადაეცეს ქალაქ ბათუმის მუნიციპალიტეტის საკუთრებაში რეგისტრირებული, ხელვაჩაურის მუნიციპალიტეტში, სოფელ ახალსოფელში მდებარე 7824,00 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობები: №1 საერთო ფართი: 5980,91 კვ.მ და №2 საერთო ფართი: 11,17 კვ.მ და №3 (მიწის (უძრავი ქონების) საკადასტრო კოდი 22.29.01.1025)
2. ეთხოვოს სსიპ „სახელმწიფო ქონების ეროვნულ სააგენტო“-ს უზრუნველყოს წინამდებარე განკარგულების პირველი პუნქტით სახელმწიფოსათვის უსასყიდლოდ საკუთრებაში გადაცემული უძრავი ქონების საჯარო რეესტრში სახელმწიფოს საკუთრებაში რეგისტრაცია.
3. წინამდებარე განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. N30) მისი კანონმდებლობით დადგენილი წესით გაცნობიდან ერთი თვის ვადაში, რა დროსაც მხარეს წარმოადგენს ქ. ბათუმის მუნიციპალიტეტის მერია.
4. განკარგულება ძალაშია ხელმოწერისთანავე.

საკრებულოს თავმჯდომარე

ივანე მაისურაძე

## გ ა ნ მ ა რ ტ ე ბ ი თ ი ბ ა რ ა თ ი

### პროექტის სახელწოდება და სათაური

**„ქალაქ ბათუმის მუნიციპალიტეტის საკუთრებაში რეგისტრირებული უძრავი ქონების სახელმწიფოსათვის უსასყიდლოდ საკუთრებაში გადაცემის შესახებ“ ქალაქ ბათუმის მუნიციპალიტეტის საკრებულოს განკარგულების პროექტი**

#### ა) ზოგადი ინფორმაცია პროექტის შესახებ

##### ა.ა) პროექტის მიღების მიზეზი და მიზანი:

ქ. ბათუმის მუნიციპალიტეტის მერიაში 2025 წლის 24 ნოემბერს შემოსულია სსიპ „სახელმწიფო ქონების ეროვნული სააგენტო“-ს №5/62622 წერილი, საქართველოს საავტომობილო გზების დეპარტამენტის მიერ სააგენტოში წარდგენილ კორესპონდენციასთან დაკავშირებით (№2-06/16135, 18.11.2025წ.), რომელიც ეხება ხელვაჩაურის მუნიციპალიტეტში, სოფელ ახალსოფელში მდებარე მიწის ნაკვეთის (მიწის (უძრავი ქონების) საკადასტრო კოდი 22.29.01.253), დაყოფას და ნაწილის 7 823,0 კვ.მეტრი მიწის ნაკვეთის სახელმწიფოსათვის საკუთრებაში გადაცემას, შემდგომში საქართველოს საავტომობილო გზების დეპარტამენტისათვის სარგებლობის უფლებით გადაცემის მიზნით.

სსიპ „სახელმწიფო ქონების ეროვნული სააგენტო“-ს №5/62622 წერილს თან ერთვის საქართველოს საავტომობილო გზების დეპარტამენტის №2-06/16135 წერილი, სადაც აღნიშნულია, რომ დეპარტამენტის მიერ დაგეგმილ საერთაშორისო მნიშვნელობის საავტომობილო გზის ბათუმი-სარფის მშენებლობის პროექტის ფარგლებში მოქცეულია 22.29.01.253 საკადასტრო კოდით ქ. ბათუმის მუნიციპალიტეტის საკუთრებაში არსებული მიწის ნაკვეთის ნაწილი.

ამასთან, სსიპ სახელმწიფო ქონების ეროვნული სააგენტოს №5/62622 მომართვიდან გამომდინარე, ქ. ბათუმის მუნიციპალიტეტის მერიამ განახორციელა რიგი ორგანიზაციულ-სამართლებრივი ღონისძიებები, კერძოდ: ქ. ბათუმის მუნიციპალიტეტის მიერ საჯარო რეესტრში წარდგენილი განცხადების (განცხადების რეგისტრაციის #882026086213, 04.02.2026წ) შესაბამისად, განხორციელდა ხელვაჩაურის მუნიციპალიტეტში, სოფელ ახალსოფელში მდებარე, 20000 კვ.მ. არასასოფლო-სამეურნეო დანიშნულების მიწის ნაკვეთის (საკადასტრო კოდი: 22.29.01.253) დაყოფა ორ საკადასტრო ერთეულად: 12160.0 კვ.მ. მიწის ნაკვეთად (მიწის (უძრავი ქონების) საკადასტრო კოდი 22.29.01.1024) და 7824,00 კვ.მ. მიწის ნაკვეთად (მასზე განთავსებული შენობა-ნაგებობები: №1 საერთო ფართობი - 5980,91 კვ.მ და №2 საერთო ფართობი - 11,17კვ.მ და №3 (მიწის (უძრავი ქონების) საკადასტრო კოდი 22.29.01.1025).

ამასთან, ქ. ბათუმის მუნიციპალიტეტის მერიამ მიმართა ა(ა)იპ „ბათუმის გამწვანებისა და ლანდშაფტური დაგეგმარების სამსახური“-ს და მოსთხოვა 22.29.01.1025 საკადასტრო კოდით რეგისტრირებულ მიწის ნაკვეთზე ორგანიზაციის უზუფრუქტის უფლების შეწყვეტა, რაზედაც ა(ა)იპ „ბათუმის გამწვანებისა და ლანდშაფტური დაგეგმარების სამსახური“-მ ქ. ბათუმის მუნიციპალიტეტის მერიაში გადმოაგზავნა (უზუფრუქტის) უფლების შეწყვეტის თაობაზე თანხმობის წერილი (№18-1426071529, 12.03.2026წ).

ყოველივე ზემოაღნიშნულიდან გამომდინარე, მიზანშეწონილია განხორციელდეს ქალაქ ბათუმის მუნიციპალიტეტის საკუთრებაში არსებული, ხელვაჩაურის მუნიციპალიტეტში, სოფელ ახალსოფელში მდებარე 7824,00 კვ.მ. არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობების: №1 საერთო ფართობი: 5980,91 კვ.მ და

№2 საერთო ფართი: 11,17კვ.მ და №3 (მიწის (უძრავი ქონების) საკადასტრო კოდი 22.29.01.1025) სახელმწიფოსათვის საკუთრებაში გადაცემა, მისი შემდგომში საქართველოს საავტომობილო გზების დეპარტამენტისათვის გადაცემის მიზნით.

**ა.ბ) პროექტის ძირითადი არსი:**

ხელვაჩაურის მუნიციპალიტეტი, სოფელ ახალსოფელში მდებარე 7824,00 კვ.მ. არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობების: №1 საერთო ფართი: 5980,91 კვ.მ და №2 საერთო ფართი: 11,17კვ.მ და №3 (უძრავი ქონების საკადასტრო კოდი: 22.29.01.1025) სახელმწიფოსათვის საკუთრებაში გადაცემა, მისი შემდგომში საქართველოს საავტომობილო გზების დეპარტამენტისათვის გადაცემის მიზნით.

**ბ) პროექტის ფინანსური დასაბუთება:**

**ბ.ა)** პროექტის მიღებასთან დაკავშირებით აუცილებელი ხარჯების დაფინანსების წყარო: პროექტის განხორციელება არ მოითხოვს დამატებით ფინანსურ ხარჯებს.

**ბ.ბ)** პროექტის გავლენა ბიუჯეტის საშემოსავლო და ხარჯვით ნაწილზე:

ბიუჯეტის საშემოსავლო და ხარჯვით ნაწილზე პროექტის განხორციელება გავლენას არ მოახდენს.

**გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:**

საქართველოს ორგანული კანონი „ადგილობრივი თვითმმართველობის კოდექსი“; საქართველოს სამოქალაქო კოდექსი.

**დ) პროექტის მომზადების პროცესში მიღებული კონსულტაციები**

სსიპ სახელმწიფო ქონების ეროვნული სააგენტო, საქართველოს საავტომობილო გზების დეპარტამენტი.

**ე) პროექტის ავტორი:**

ქ. ბათუმის მუნიციპალიტეტის მერიის მუნიციპალური ქონების მართვის სამსახური.

**ვ) პროექტის ინიციატორი:**

ქ. ბათუმის მუნიციპალიტეტის მერია.

**ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:**

ქ. ბათუმის მუნიციპალიტეტის  
მერიის მუნიციპალური ქონების  
მართვის სამსახურის უფროსი

დავით კოპინაძე